

頃。要非無故。即於奉方少壯軍人。欲拉攏合作。尤非絕無意思。所難者思想不同。而環境各別。彼此內部。皆有為難。是可惜耳。奉方之張作相與倭陸兩督。於二十日由關外奉召抵京。將有重要協議。奉方終欲保持現狀。而進行討馮。除非有意外變化。否則此夢恐終難圓。抑於此有應注意者。奉寧晉之合作。日本人奔力鼓吹。頗為露骨。蓋奉寧合則津浦戰停。日本在青濟之兵。可以得撤回之口實。奉晉合則可擋馮玉祥北來。尤日本所

山 西 代 表
李 慶 芳



希望。惟妥協之障礙重重。而奉方本身更有不易進言之處。日人雖熱心以終亦無可如何。惟現值漢寧相持。北方戰局似可少安。蓋津浦路魯軍於二十日已恢復臨城。大致韓莊不難重到。京漢路則晉奉軍在滹沱河對峙。各無變動。奉軍一四方面十六七兩軍司令部於十八日由保定移定縣佈防頗嚴。馮軍有由順德繞大名之說。迄無證明。在未得督方切實同意前。馮似亦不易積極北進也。

寧漢之相持

本週中武漢形勢大變。蓋自宋子文十二日由滬回漢後。迭開會議。與寧綏和。汪精衛顧孟餘孫科等均發表糾正羣衆運動文字。鮑羅廷十五日即由漢赴姑嶺。共產派之鄧演達蘇兆徵林祖涵詹大悲等亦先後辭職。孫夫人宋慶齡亦於十四日聲明不問黨政。何健軍十六日占漢陽。十七日占漢口。反對鮑羅廷之傳單滿貼市中。本來武漢政府因不勝國人之指摘。久已發布穩健之政令。以資洗刷。茲錄最近兩公文如下。以見一斑。

△訓令 為通令事。查近來各省縣農工運動。往往違反中央訓令。發生錯誤行動。以致迭次釀成事變。窺厥原因。一在農工制度組織不善。事實雖裁若兩途。理論則互相貫注。因制度之不善。遂致領導之失人。因領導之難得其人。而益知制度之不可不改。本黨為貫徹以黨治國之主張。雖國民政府尙隸屬於黨的指揮監督之下。而各省縣農工團體。反不受省縣黨部之指揮監督。獨樹一幟。以致中央既鞭長莫及。各省則熟視而可如何。就令領導得人。且有一國三公之請。況乎民智未開。推選易失。把持操縱之弊。其何能免。進至焦頭爛額。然後救弊補偏。因事倍而功半。亦始終而啓悔。為懲前毖後計。祇有將各省農工團體。改由各省縣黨部工農部就近切實指導。監督。庶幾藉收聯絡之一致。而補分馳之害。業經本會政治委員會第三十一次會議決議。通令各省縣農工及各界團體。應歸各省縣黨部指揮監督。除分令外。合亟令行該黨部。仰即轉飭所屬各縣口口口及民衆團體。一體遵照辦理。勿違此令。

佈告 爲佈告事。案奉中央執行委員會決議。本黨根本政策。首在爲民衆謀利益。爲民衆除痛苦。故於積極進行打倒帝國主義與軍閥外。對於防害民衆利益。增加民衆痛苦之土豪劣紳。同時亦在肅清之列。近因農工運動。發生錯誤。有少數不良份子。煽入其間。反藉打倒土豪劣紳口號。屢發現危害良善及濫行逮捕情事。實與政府保護私人生命財產命令。大相違反。殊失本黨提倡農工運動之主旨。自不能不亟於糾正。從嚴制止。以期免越正軌。並非變更策略。

何健之軍隊



對土豪劣紳有所姑息。乃一切反動份子。胆敢藉此大造謠言。煽惑衆聽。期遂其破壞革命擾亂地方之目的。甚且勾結土匪。搗毀農工團體。殺害農工羣衆。殊堪痛恨。若不嚴厲鎮壓。後患將不堪設想。爲此佈告各界人等。不得妨害農工團體之運動。農工團體亦不得有擅行逮捕懲罰等事。自佈告後。如有抗違。政府定必從嚴懲治。決不寬縱。此令。

就以上兩文件。可知武漢政府。以汪精衛爲中心。實欲一面挽回民衆同

情。一面與南京政府對抗。至少亦可以漢寧合併改組爲調停基礎。即設以蘇俄方面之宣傳。亦稱武漢政府爲反革命。而命共產黨脫離之。據十六日大阪朝日新聞載莫斯科電稱。共產黨國際執行委員會曾發表大之決議。第三國際認爲中國共產黨有斷然與武漢政府絕緣之必要。同時應向世人發表宣言。聲明此種絕緣。係因武漢政府對農工革命及勞工運動採取對行動之故。一面並承認中國共產黨應繼續與援助民衆運動之國民黨相提攜。以達到所期之目的云。又另電稱。三國際幹部十四日發表宣言。斷定武漢政府之革命的任務告終。該政府現在已屬反革命的勢力。又對中國共產黨員發出通告如次。一迅即脫離武漢政府。二要求嚴罰加捐於壓迫勞工農民之徒。三國民黨幹部現雖欲排斥共產黨員。但共產黨員此際不宜捨去國民黨。仍須謀維緊信。四努力宣傳農民革命。以促有組織的勞工農民之活動。五因對抗壓迫及處罰於黨內創設不管法律之宣傳機關云云。此種退出武漢政府而不捨去國民黨之辦法。實爲第三國際之一策略。是故何健之反共。是否便可和蔣誠爲一大問題。武漢近雖阻釀反共。然南京對之備戰仍甚岌岌。李宗仁及王普軍十四五兩日過蕪開赴安慶。武漢之主力在武穴。近蔣介石專注重軍事。政事多由胡漢民主辦。蔣委溫建剛兼船舶運輸司令。設司令部於楚振艦。辦理對漢軍運事。皖西江北。由夏斗寅王普防守。重要部隊。佈置江南。王普十四日離南京。十七日已到上游。華陽勢已相持。宿松防務見緊。海軍前派江貞等艦赴上游。嗣復加派通濟中山等數艦。加防安慶大通一帶。十五日南京檢閱近時參加作戰軍隊五萬人。何應欽指揮。蔣演說出師迄今。傷亡逾五萬。所得勝利成功。均爲共派籌劃。破壞無餘。應自今起。重行團結。努力倒共。十八日蔣在南京紀念週演說。切囑

軍事調動。須嚴守秘密。寧院間正趕裝軍用電話。南京軍隊仍在陸續向上游開拔中。一方面則調二十軍三十一軍並第一軍第一師入浙。將開浙贛邊。以重浙防。一說則謂將浙入贛東。進取南昌也。蔣因對武漢戰事之持重。故終欲馮玉祥與之同情。據東方社上海十九日電云。王正廷十三日代表蔣介石借黃郛代表趙正平。並馮玉祥代表同赴洛陽。其目的為託馮向武漢派孫應與寧方合作云。觀此蔣之屬望於馮也深矣。若

助 防 廣 州 之 生 石 范



夫漢口方面則迄七月十三日已有軍隊萬餘開達九江。而贛省軍隊。多傾向武漢。錢大鈞部入贛不利。均退集南雄等處。贛州歸王均部。錢與李濟深黃紹雄等會商。已加調桂軍策應。北江伏莽多。韶關附近各要隘均築壘。陳嘉佑有入粵之報。蔣特調范石生於二十日到北江助防廣東。更派宋鶴庚由粵入湘宣撫。宋已設公署於廣州。蔣之增兵入浙。亦不無防顧之意。由此可見戰事規模。蓋實不小。於此馮之地位。乃大見優勢。據漢

口二十一日路透社電。昨日(二十日)晚間。武漢政府接馮玉祥徐謙孔祥熙(孔徐現均在鄭州)聯名電報。提議為解決種種糾紛。並使國民黨協力聯合。鑄為一個起見。漢政府即派一全權代表到開封。與寧政府全權代表會議。預測寧方當亦接同樣電報。又上海二十一日路透社電。南京無線電。武漢軍隊如進攻南京。馮玉祥已允助寧政府云。馮在漢寧間。大有舉足重輕之勢。此武裝調停之局。不知能化干戈為玉帛否也。

南北之外交

本週間北方外交。幾無事可述。外長王蔭泰。自上週請假。次長吳晉。亦擬上辭呈。經楊宇霆等之從中斡旋。兩人略有諒解。二十一日方同行到部。對外方面。自談不到矣。南方對外。不特本身時有意見。即在各國亦因九月一日起。將實行裁釐加稅。認為目前之惟一重大事件。漸將有所共同表示。故其間關係。殆較複雜而可紀也。

寧政府之對外交涉。似較重視日本。對日本出兵山東一事。反對始終熱烈。與人民方面之意旨。完全一致。且能居領導之地位。上海各界。澈底的排日抵制日貨。規模組織。均臻周至。日商打擊不小。因黨部隨時指導。故久而彌堅。然寧政府當局。恐民衆行動。有逾越範圍。特於十九日特派葉楚傖到滬。與學商界領袖接洽。應取態度。市長黃郛。亦據電向人民報告政府意志。大致以後排日運動。雖不能中止。而勢將取較慎重之態度。則甚明瞭。同時寧外部。因日田中首相七月七日演說。有逾越範圍處。于十八日。特發出一聲明書。據南京七月十八日路透電。南京外交部。則對於日本田中首相七月七日發表之演說。發出一聲明書。略稱世人原相信